

1721.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-3483/25
Zenica, 18.02.2024. godine

STRUČNA SLUŽBA GRADSKOG VIJEĆA

PREDMET: Prijedlog Rješenja o imenovanju Gradskog pravobranioca u Gradskom pravobranilaštvu Zenica, dostavlja se

Poštovani,

Imajući u vidu da je okončana konkursna procedura imenovanja Gradskog pravobranioca u Gradskom pravobranilaštvu Zenica, u prilogu ovog akta dostavljamo vam Prijedlog Rješenja o imenovanju Gradskog pravobranioca u Gradskom pravobranilaštvu Zenica, s prijedlogom da se isti uvrsti u dnevni red naredne sjednice Gradskog vijeća Zenica.

S poštovanjem,

GRADONAČELNIK

Fuad Kasumović



DOSTAVLJENO:

1x Naslovu
1x a/a

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA**

PRIJEDLOG

**R J E Š E N J A
O IMENOVANJU GRADSKOG PRAVOBRANIOCA
U GRADSKOM PRAVOBRANILAŠTVU ZENICA**

Zenica, februar 2025. godine

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 33. Zakona o pravobranilaštvu ("Službene novine Zeničko-dobojskog kantona", broj: 12/13), članom 11. Odluke o osnivanju Gradskog pravobranilaštva Zenica ("Službene novine Općine Zenica", broj: 5/14 i "Službene novine Grada Zenica", broj: 2/15), članom 21. tačka 18) Statuta Grada Zenica ("Službene novine Grada Zenica", broj: 5/15), Gradsko vijeće Zenica na _____ sjednici, održanoj dana _____ 2025. godine, donijelo je

RJEŠENJE

o imenovanju Gradskog pravobranioca u Gradskom pravobranilaštvu Zenica

I

ZLATKO OSMANOVIĆ, VSS, diplomirani pravnik s položenim pravosudnim ispitom, imenuje se za Gradskog pravobranioca u Gradskom pravobranilaštvu Zenica.

II

Ovo rješenje stupa na snagu danom donošenja i objavit će se u Službenim novinama Grada Zenica.

Broj: _____
Zenica, _____ godine

**PREDSJEDAVAJUĆA
GRADSKOG VIJEĆA**

Snježana Vrhovac

DOSTAVLJENO:

1x Gradonačelnik
1x Zlatko Osmanović
1x Gradsko pravobranilaštvo Zenica
1x Stručna služba Gradskog vijeća
1x Službene novine Grada Zenica
1x a/a

O B R A Z L O Ž E N J E

I PRAVNI OSNOV

Odredbom člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13) je propisano da konačna imenovanja vrši odgovorni javni službenik, odnosno Gradsko vijeće.

Odredbom člana 33. Zakona o pravobranilaštvu ("Službene novine Zeničko-dobojskog kantona", broj: 12/13) je, između ostalog, propisano da općinskog pravobranioca imenuje i smjenjuje općinsko vijeće na prijedlog općinskog načelnika u postupku utvrđenim ovim zakonom i u skladu s posebnim propisima.

Odredbom člana 11. Odluke o osnivanju Gradskog pravobranilaštva Zenica ("Službene novine Općine Zenica", broj: 5/14 i „Službene novine Grada Zenica“, broj: 2/15) je propisano da, između ostalog, Gradskog pravobranioca imenuje i smjenjuje Gradsko vijeće na prijedlog Gradonačelnika u postupku utvrđenim Zakonom o pravobranilaštvu („Službene novine Zeničko-dobojskog kantona“, broj: 12/13), a u skladu s posebnim propisima.

Odredbom člana 21. tačka 18. Statuta Grada Zenica ("Službene novine Grada Zenica", broj: 5/15) je propisano da Gradsko vijeće u okviru svojih nadležnosti, između ostalog, imenuje, bira i razrješava druge osobe određene zakonom, Statutom i odlukama, te daje suglasnost na imenovanja, izbor i razrješavanja kada je to propisano.

II RAZLOZI DONOŠENJA

Rješenjem Gradskog vijeća Zenica, broj: 01-45-1909/21 od 28.01.2021. godine, Zlatko Osmanović, VSS, diplomirani pravnik s položenim pravosudnim ispitom, je imenovan za Gradskog pravobranioca u Gradskom pravobranilaštvu Zenica, na period od četiri godine s pravom ponovnog imenovanja.

Imajući u vidu okolnost isticanja mandata imenovanom, dana 17.01.2025. godine je objavljen Javni konkurs za imenovanje Gradskog pravobranioca u Gradskom pravobranilaštvu Zenica u "Službenim novinama Federacije Bosne i Hercegovine", broj: 3/25, dnevnom listu "Dnevni avaz" i "Nezavisne novine" i na internet stranici Grada Zenica.

Potom je Rješenjem Gradonačelnika, br. 02-45-647/25 od 21.01.2025. godine i 02-45-647/25-1 od 06.02.2025. godine, imenovana Komisija za sprovođenje postupka izbora kandidata za imenovanje Gradskog pravobranioca u Gradskom pravobranilaštvu Zenica (u daljem tekstu: Komisija) sa zadatkom da provede proceduru izbora kandidata za imenovanje na poziciju Gradskog pravobranioca u Gradskom

pravobranilaštvu Zenica, u skladu s odredbama Zakona o ministarskim, vladinim i drugim imenovanjima Federacije Bosne i Hercegovine Hercegovine - u daljem tekstu: Zakon o imenovanjima.

Komisija u sastavu Naila Muratović Šogolj, Armela Beganović, Enisa Mulić, Azra Hajdarević i Bojana Primorac je, dana 07.02.2025. godine, otvorila ukupno pristigle tri prijave, sve blagovremeno podnesene od strane kandidata kako slijedi:

1. Zlatko Osmanović,
2. Kenan Begović,
3. Murisa Tuka.

Nakon pregleda navedenih prijava, Komisija je konstatovala da su pristigle prijave uredne i potpune, odnosno da sadrže cjelokupnu dokumentaciju traženu predmetnim konkursom.

Komisija je dalje odredila da će se kandidatima postavljati opća i stručna pitanja iz djelokruga rada Gradskog pravobranilaštva, iz propisa kako slijede:

Zakon o pravobranilaštvu ("Službene novine Zeničko-dobojskog kantona", broj: 12/13), Zakon o eksproprijaciji ("Službene novine Federacije BiH", br. 70/07, 36/10, 25/12, 8/15 - odluka US i 34/16), Zakon o stvarnim pravima ("Službene novine Federacije BiH", br. 66/13, 100/13 i 32/19 - odluka US), Zakon o građevinskom zemljištu Federacije BiH ("Službene novine Federacije BiH", br. 25/03, 16/04 - ispr., 67/05 i 94/18 - odluka US).

Komisija je istog dana usmenim i pismenim-pozivom, dostavljenim putem elektronske pošte, obavijestila kandidate o terminu održavanja intervjua, zakazanog za dan 12.02.2025. godine s početkom u 10,30 sati, u prostorijama Gradske uprave Zenica - mala sala Stručne službe Gradskog vijeća, prvi sprat, kancelarija broj 107, u ulici Trg Bosne i Hercegovine broj 6, 72 000 Zenica, uz naznaku zakonskih propisa iz kojih će se postavljati stručna pitanja, kao i da će se za kandidata koji ne pristupi na zakazani intervju smatrati da je odustao od dalje konkursne procedure.

Komisija je dana 12.02.2025. godine obavila intervjue s kandidatima prema redoslijedu prispjeha prijave, kako slijedi:

1. Zlatko Osmanović,
2. Kenan Begović.

Kandidat Murisa Tuka nije pristupila na zakazani intervju zbog ranije preuzetih poslovnih obaveza, odnosno nemogućnosti prisustva intervju, što se smatralo odustajanjem od dalje konkursne procedure.

Kandidati su tretirani ravnopravno, s jednakim mogućnostima za uspješno predstavljanje svojih stručnih znanja, vještina i drugih ličnih kvaliteta, a o sebi su rekli sljedeće:

1. **Zlatko Osmanović**, rođen 25.06.1961. godine, VSS, dipl. pravnik iz Zenice, sa položenim pravosudnim ispitom od 08.09.2008. godine. Rad u struci započinje kao pripravnik u Izgradnji d.d. Zenica i u Zavodu za zapošljavanje Zenica, a u periodu od 1985. godine do 1993. godine obavlja imovinsko pravne poslove, normativne poslove i poslove pravnog savjetnika u firmi Vatrostalna d.d. Zenica. Dugogodišnju karijeru u periodu od 1997. godine do 2015. godine, a potom i u periodu od 2019. godine do 2020. godine, ostvaruje na međunarodnom polju, i to u OSCE terenskom uredu u Zenici u svojstvu asistenta za ljudska prava i demokratizaciju, potom u Uredu Visokog predstavnika u OHR u Nezavisnoj pravosudnoj komisiji u BiH (IJC) u svojstvu višeg službenika za reformu pravosuđa, zatim na USAID Projektu razvoja sektora pravosuđa (JSDP) kao savjetnik za sudsku administraciju i šef Komponente za sudsku administraciju, te u Nezavisnoj sudskoj i tužilačkoj komisiji Priština na Kosovu (NSTK) kao međunarodni stručnjak za ocjenu kandidata za sudijske i tužilačke funkcije svih nivoa sudske i tužilačke vlasti, a potom i u okviru USAID Projekta efikasnog upravljanja u Crnoj Gori (GGAM) kao međunarodni stručnjak za unaprijeđenje rada sudova i kao director Projekta razvoja sektora pravosuđa II (JSDP II), te potom kao viši stručnjak za statusna i druga pitanja nesudijskog i netužilačkog osoblja u sudovima i tužilaštvima u BiH u okviru EU projekta Human Dynamics, te u konačnici kao međunarodni stručnjak za unapređenje rada sudova na USAID projektu Justice for All u Tirani, Albanija. U periodu od 16.03.2015. godine do 16.03.2019. godine i od 08.02.2021. godine do 08.02.2025. godine je obnašao funkciju Gradskog pravobranioca u Gradskom pravobranilaštvu Zenica, na kojoj funkciji je vršio poslove pravne zaštite imovine i imovinskih interesa Grada Zenica, njenih organa, tijela, fondova i drugih subjekata koji nemaju svojstvo pravnog lica, a koji se finansiraju iz Budžeta Grada ili Grad vrši osnivačka prava u njima. Također, u okviru Gradskog pravobranilaštva vršio je zastupanje pred svim sudovima i drugim nadležnim tijelima, inostranim sudovima, arbitražama i drugim inostranim državnim tijelima i organizacijama, te vršio i sva druga prava i dužnosti utvrđene zakonom iz te oblasti.

2. **Kenan Begović**, rođen 03.05.1991. godine u Doboju, VSS, magistar prava iz Zenice, sa položenim pravosudnim ispitom od 01.12.2020. godine i advokatskim ispitom od 13.09.2021. godine. U periodu od oktobra 2014. godine do januara 2018. godine obavlja pravne i opšte poslove u Javnom preduzeću "Vodovod i kanalizacija" d.o.o. Zenica, a potom u periodu od marta 2018. godine do januara 2022. godine se ostvaruje u realnom sektoru u firmama HIFA-PETROL d.o.o Sarajevo, STEG d.o.o. Mostar, MEHANIC-BH d.o.o. Sarajevo, EOL PETROL d.o.o. Sarajevo u kojima, između ostalog, obavlja poslove referenta u prodaji, odnosno rukovodioca odjela kartičnog poslovanja, rukovodioca maloprodaje, menadžera prodaje, menadžera maloprodaje, te pravnika, a od februara 2022. godine do danas vrši poslove stručnog saradnika za zastupanje u Javnom preduzeću "Vodovod i kanalizacija" d.o.o. Zenica na kojima, između ostalih, u svojstvu pomoćnika zastupa Javno preduzeće pred općinskim sudovima u BiH. Predsjednik je i Komisije za javne nabavke u tom preduzeću.

Komisija je ocjenjivanje kandidata vršila po sljedećim kriterijima: način predstavljanja kandidata, sposobnost upravljanja ljudskim resursima i finansijskim sredstvima i sklonost timskom radu, sposobnost nepristrasnog donošenja odluka, komunikacijske i organizacijske vještine, rezultati rada ostvareni tokom poslovne karijere, te stručna pitanja Komisije.

Svaki član Komisije je mogao kandidata ocijeniti sa ocjenom od 1 do 5. Ocjenjivanje se vršilo nakon obavljenog intervjua sa kandidatom, na obrascima za ocjenu kandidata. Ukupna prosječna ocjena za svakog kandidata dobijena je tako što se ukupni broj bodova kandidata od strane svih članova Komisije podijeli s brojem članova Komisije, odnosno brojem 5, pa je slijedom toga izvršeno rangiranje kandidata od najvećeg do najmanjeg broja osvojenih bodova, i to:

<i>Red. br:</i>	<i>IME I PREZIME KANDIDATA:</i>	<i>UKUPNA OSTVARENA PROSJEČNA OCJENA:</i>
<i>1.</i>	<i>ZLATKO OSMANOVIĆ</i>	<i>29,6</i>
<i>2.</i>	<i>KENAN BEGOVIĆ</i>	<i>26,0</i>

Potom je Komisija shodno članu 12. Zakona o imenovanjima Gradonačelniku uputila prijedlog pisane preporuke s rang listom izbora kandidata i predložila prvorangiranog kandidata Zlatka Osmanovića za imenovanje na funkciju Gradskog pravobranioca u Gradskom pravobranilaštvu Zenica.

Nakon dostavljenog Izvještaja o sprovedenom Javnom konkursu za imenovanje Gradskog pravobranioca u Gradskom pravobranilaštvu Zenica Gradonačelnik dostavlja Gradskom vijeću prijedlog da se za Gradskog pravobranioca u Gradskom pravobranilaštvu Zenica imenuje Zlatko Osmanović, VSS, diplomirani pravnik s položenim pravosudnim ispitom.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju riječ o rješenju, kao pravnom aktu kojim se rješava u pojedinačnoj stvari, odnosno da nije riječ o složenom ili aktu obimne pravne regulacije, to predlagač u skladu s odredbom člana 69. stav (1) Poslovnika Gradskog vijeća ("Službene novine Grada Zenica", br. 4/17, 4/20 i 10/21) isto dostavlja Vijeću na razmatranje u formi prijedloga.